



洋学文庫
文庫 8
B 36
2



種學啓原卷之七

花

精義字內川

花此分屬之。眼目結實者。未嘗有無花者。空果之。實
 于實中。之華於葉背。所在異而己。其色嬌麗。可
 出唯無異者。遠游純行。往以有載異花。皆誤認紫
 之深者。而已。花皆原色。非百
 花如動物之陰處。生產甚息之所。實始也。但動物之
 產體。其與醒睡植物之花。大抵若方。位於鼻。如梅蘭

39-8090

植學啓原卷之二

榕菴宇田川榕

著

花

花此分屬之眼目。結實者未曾有無花者。蜜果之華于實中。藏其之華於葉背。所在異而已。其色嬌麗百出。唯無黑者。遠游紀行往々有載黑花。皆誤認紫色之深者而已。按墨葵白頭蒜黑百合之花皆深紫色非黑色

花如動物之陰處。生產蕃息之所資始也。但動物之羞體。其臭腥羶。植物之花。大抵芬芳。佳於鼻。如梅蘭。巖桂。薔薇之類。為最。

直學啓原

卷二

上卷

近世有腊花之法其法造鉄板兩片方各尺許其四隅穿牝螺各一欲腊花者日中取花枝其枝粗者用如紙薄之厚紙夾之更以粗紙三十張上下觀之者亦如此而夾之於鉄板之間牝釘螺定輕々烘於爐上一二時候花乾腊放開取花以軟毛筆西用毫塗藥水燒酒調停各等分乾後貯於紙冊之間紅白黃紫經日不渝真奇法也

花隨日光

草木之花多隨大陽之運日出指東向南傾西如向日葵等聚成之諸花為特著又諸花大抵晴日則開

陰夜則合不止花葉亦有然者三葉酸山扁豆蜜柑草合歡之類是也窰中之盆種多向日光照臨之方位而長亦此理耳

花鐘

開閉有定時謂之日花有三等其一曰陰晴日花可以其開合占陰晴如西別里攝鶯薊子時收辦則明日為必晴子時仍不收辦則為雨徵其二曰迴歸線日花此花每朝開展日暮乃合其三曰晝夜平分日花此花開閉有定時無有少差晴雨不變如瓜哇水仙花觀其開合而知時分西洋好事者園中築壇分

局撰此類日花數種各時開合者植之以知時刻俗
名花鐘按龍膽野西瓜苗馬蘭之類其花大抵朝開
暮合其他沼菊午時花玉簪浮薔之類可名
日花者甚多

解花

花者總名也曰萼曰花頭曰鬚蓋曰心蓋曰子牀故
解花則無花猶解車無車解牛無牛矣

萼是載花包花者之總稱別為七等一曰常萼二曰
繖萼三曰菜萼四曰苞五曰穎六曰蕨帽七曰萼笠
常萼以下萼之別種也常萼之異同可取分屬之徵
萼之別種可取分種之徵

圖之一

常萼

常萼又名花衣在花頭之下其色多綠色其質略類
葉外有表被內有巴連舍馬氣脉液脉綜錯焉自外
皮或裏皮生

圖之六

萼受養液於花梗致之於子牀以養花體如聚成花
則其小花出後聚成花條需多分之養液故其萼亦頗大片
片鱗次且總眾花故有總萼之名
或有無萼者如百合水仙雙鸞菊或其蓓蕾有萼花
發則腿落如罌粟蓮花或有重萼如葵類
算萼之瓣出其法同花頭出後花頭之下其數至六而止六

辦以上曰多辦六出以上曰多出
萼花時之稱呼也花謝而結實則謂之蒂

繖萼

繖萼者繖花之萼也繖花出花梗條其形如小葉攢生花梗
下有二等一曰總繖萼在總繖花梗之下一曰各繖
萼在各繖花梗之下各繖花梗條既
繖花植物或既有總繖萼又有各繖萼如胡荽或止
有各繖萼而無總繖萼如失鳩答或總各共無有如
當歸

葶萼

第十圖

第五圖

葶萼又名葶西名猫以其形如猫尾也其質小萼鱗
次粗細長短種々不一大抵如小指鱗甲之間垂蓋
葶茸如軟毛如栗胡桃楓榛赤楊楊柳之花有雌
葶雄葶雄葶唯有鬚葶不結實雌葶唯有心蓋結實
其形亦不同喻如榛雄葶長數寸下垂如綬雌葶短
小而難見熟視則如紅筍之端緒

苞

苞亦萼之別種也故花有苞者無萼苞單葉為常又
有二苞者海芋南星半夏之苞其形如佛燄水仙葱
蒜之苞薄如蟬翼透視內花鴨跡草紫烏木毒之苞

第六圖
第七圖
第十圖
第十一圖

第九之圖

其形如蛤殼。按御前橋有四葩之白苞為四瓣花之狀。心開細白花為莖之狀。

穎

禾本諸草之萼謂之穎。如稻麥之萼其形或如柳葉或卵圓或中窪如舢舨或互生或對生或櫛比或鱗次。

第九之圖

禾本諸草無花瓣。唯有內外二穎為花頭。名曰蝨丹。穎如花瓣。外穎如萼。

內穎二片。一內一外。外者深窪如舢舨或綠色或綠質有細理。內者淺窪如長皿。白色如羅。內穎之背糙澁有細毛。種子熟後為子衣。謂之稃。

與穎連續而如刺者名曰芒。芒有數種。生於穎之背者曰負芒。生於穎之頭者曰戴芒。其他不可勝紀。

蘇帽。葦笠

蘇帽如土馬駝之帽。葦笠如香葦。松葦之笠。帽笠之裏面或有瓣。或有眼。花實在焉。共葦之別種也。

花頭

花頭謂花瓣之全形也。花無花瓣者。萼為花頭。如穀類。禾本諸草之蝨。出及都苦拔涅之花頭。

花頭或端正。如花形。端正。如桃。李。花。或歪邪。如花形。不端正。如其他千萬不同。略散見於後。或生於萼。或生於子牀。或生

第五之圖

第七之圖

於卵巢。花頭在於卵巢下者。其花必單瓣。分出在於卵巢上者。其花必分瓣。

單瓣花頭。辦端有刻缺。作三。四。五。六出者。算其出數。而曰幾何出之花。如桔梗。烟草花。則五出也。

複瓣花頭。算花瓣之數。而曰幾何瓣之花。如梅花。則

五瓣也。花瓣之數。至六而止。六瓣以上。曰多瓣。算出

而止。多瓣之繁重者。曰多葉。或曰塞心。

花瓣異名

花辦頭曰辦尖。邊緣曰舷。根曰花瓜。花瓜厚而其色異。干辦。玫瑰花。瓜白。草棉。黃蜀葵。花瓜紫色。

apex
claw

五八第圖
十七之

四第圖
十之

五第圖
十之

屬

spurred

三瓣長
翼短

單瓣花接萼之處。作筒者。名曰筒子。謂其花曰筒子。花忍冬。旋花等是也。筒子之上。開展處。所謂舷也。筒子與舷之間。曰喉。水仙之花。喉。蜜槽。作金盞筒子之底。塞而曲者。曰雞距。曰嘴。金魚草有距。稜斗菜有嘴。四瓣歪邪之諸花。為蛾形者。最上廣濶之瓣。曰旗瓣。又名旗。直立如建旗幟。故名。在旗之左右。而如鳥之翼者。曰兩翼。在兩翼之下。而捧旗翼者。曰龍骨。龍骨。下所有直木之名。辦形類於此。故名。旗瓣。兩翼。龍骨之長短。可以分屬。苜蓿。胡盧巴等。三瓣長相齊。蚕豆。旗長。翼短。亞諾尼斯。草名。無龍骨長。

直是

絲

絲者鬚蓋之本身也。軟細如絲。大約本豐末尖。尖處嵌插于藥膜。後受花液於萼子床。花頭或心蓋而輸于藥。令之成熟也。故花初綻其絲潤實有力。及至吐粉則絲自萎弱。或有無絲者。如馬兜鈴花。

藥

藥大抵在絲之頭。唯細辛大蓼之屬不然。已形色氣味萬不同。併兩片薄膜。膜間包花粉。其膜曰藥膜。其面光滑。裏則有短毛。如鷲絨。未開之花其藥冒藥膜。光滑如菌頭。至花正開。藥膜自反轉。花粉周敷。藥司

圖三十五之十

圖十之

成熟花粉如動物之罌丸。

一花之藥或異形色。按鴨跡草之花三鬚蓋其二蓋。藥暗綠形如半月。其一蓋藥黃

色三角。如鋒頭。浮蓋六藥。其五黃色。其形如腎。其三暗綠。為

紫。色。藥。花。六。藥。其。三。黃。色。形。如。腎。其。三。暗。綠。為。了。

花粉

花粉黃色之細粉。松黃。蒲黃之類也。又有白紅紫青之異色。以圓滑如球。或名粉球。一花之粉球。慮數千。勿擗茶所產。結多密亞。屬一花之球。凡四千八百六十三粒。

圖九之十

以顯微鏡觀各種花粉。每種不必圓滑。馬兒抵涅杜

理學之書載花粉之顯微圖十五種

一粒粉球復藏數千百萬之細球名之曰花精細微

不可言此精從柱頭入花柱自花柱達柱頭花卵巢

共見於後使種子得發生之神氣也種子在卵巢而未受

花精者喻如鮭魚花精如魚白種子受花精乃發生

鮭魚受魚白乃化育矣

花精細微

用顯微鏡之可瘳物象周十六萬倍徑四百倍者觀

花精僅如頭髮之斷處或云血球細微肉眼不得視

血球再六分者曰沕乙球花精大如沕乙球

嘗試觀之凌雲之喬木盈寸之小草或眇爾蘚苔其
花精無粗細也或云花精非有形之質無形之氣而
已

草木變生

葱之花精必發生葱之種子薤之花精必發生薤之

種子歟曰否葱花之精或能發生薤子取其子播之

則其所生非葱非薤之謂間種猶野馬與驢構精則

產騾蓋葱之與薤野馬之與驢原同屬而唯異其種

已若牛與馬則不然其屬不同也

無

牛四角蹄二
蹄馬一胃無角蹄

花精入柱頭

造化之巧妙也。必令其殖器易乎作受。故花倒垂者。心蕊長於鬚蕊。花朝天者。鬚蕊長於心蕊。或兩蕊長相齊。如榛、栗、松、榭。則雄性之蕊萼必在於上枝。雌萼必在下枝。而受其粉雨。

如菠薐菜、大麻、唐花草。則有雄本雌本。雄雌異地而能生種子。或云雄本之花精被風吹。僅達十五里以外而已。以人為則可傳數百里外。若寒地草木難生。實東方諸國之藝家。取果樹之花粉。紙緘記其名。遠貨于寒地。寒地之人撒之。其樹之花而能結實。云達

德爾樹其實或味酸。或無核。剪其雄本之花穗。掛諸雌花之穗上。能令其實味甘美。而有核。

瓜。葵。燕子花之類。心蕊挺出。而高於鬚蕊。異于常花。花粉不易入於柱頭。如此者必有蜜槽。蜚蜂求蜜。羣集往來不已。柱頭被花粉。抹乃能結實。

意太利亞國產水草。其雌本曰哇里斯。涅里亞苗生於水底。花有長梗。未開者螺卷。當將花之時。其梗展伸出於水上。開一雌花。其雄本曰哇里斯。涅羅乙德。斯亦生於水底。方開花時。梗生氣胞。而浮花於水面。而花精交於雌花。雌花姪則復螺卷。潛水中。而結種。

子不亦奇怪乎造化之秘蘊非人智之所能窮盡也

心蓋

圖六十八一三五等之

心蓋又名雌蓋原名杵其形類於搗藥之杵在于花
心鬚蓋圍繞之花之雌體也如動物之牝門生於髓
髓皮所終也其頭曰柱頭其根曰卵巢通名心蓋林
氏以心蓋之數建目按禾本植物其心蓋或如毛
玉蜀黍之赤毛即心蓋也

柱頭

圖十一十五之

柱頭心蓋之頭也審觀之則短毛密布如鷲絨常滲
漏滑液短毛即細微之管受花精而致之於卵巢滑
液亦非頑涎自具破綻花粉之性能

凡花天晴晝日則開張陰雨晚間則多少收閉蓋以
雨露害花粉之破綻也陰晴晝夜開而不復閉者柱
頭既引花精卵巢受孕之候也

花柱

圖三二六之

花柱心蓋之莖也其頭岐而類蝶鬚者名喇叭蓋花
柱之數不拘其岐數也有粗於鬚蓋者或有細於此
者或有與鬚同等者

花柱之質鬆輕如芋莖花精既滲透則柱內空虛而
如筒然

圖三十八之

林氏第二十綱之諸花如蘭花玉蓋花則花柱合體

於鬚蓋第十四綱第一目之諸花。花柱之根入於子
牀之綿質而分四歧。每歧之端達於四箇之種子。

卵巢

卵巢心蓋之根本也。受液於萼子牀。其質軟脆如綿。
花精傳神氣則漸長。育終成實。卵巢受花精則花
頭頓喪生色。艷麗隕地。

第九圖 十八之

子牀

凡結實之處必有護持之部。名其部曰子牀。或名胞
衣。大抵在花梗之上。萼之內。其形質多般。約有五類。

第六圖 十一之

第八圖 十之

第十十圖 八之
五。四。三。

一曰總子牀。在聚成花。二曰各子牀。三曰繖花梗。四
曰賽繖花梗。五曰實梗。椰類之子牀也。詳花梗子牀
無定形。玉蜀黍之子牀如杆。蓮之子牀如蜂巢。莓
之白心。膚果之白筋。瓢囊亦皆子牀。其他在於角為
縱隔膜。在於莢為縫際之綿質。臍帶後出。

蜜槽

蜜槽花中貯甜液之處也。所在萬樣。或在於花頭而
為小瘤。或在於筒子。或輪匝。卵巢之周邊。或在於卵
巢上。其狀如腺。謂之蜜腺。或在於花喉而作盞狀。如
仙花之金盞。或在於花之雞距。如仙花。或在花柱上。或花瓣

第十之圖

之一葩為蜜槽其他不可勝紀故有蜜瓣蜜腺蜜鱗之諸名按鴨跡草花之蜜槽作四出小黃花狀

花三性

花有三性曰雄花曰雌花曰雄雌花雄花唯有鬚蕊雌花唯有心蕊雄雌花鬚蕊心蕊兩有一名中花雄花又名鬚蕊花藝家謂之狂花花後不實也雌花又名心蕊花藝家謂之實花花後結實也總雄花雌花而謂之倚花雄雌花謂之完花

單瓣端正花

單瓣端正之諸花再別其品則曰漏斗曰皿曰鐘漢人

第十五之圖

所謂磬曰彈丸曰車輪皆以花頭之狀名耳牽牛花口之類甘薯花之類漏斗花也素馨常春藤之類皿花也桔梗沙參之類鐘花也默乙貌爾母之類彈丸花也勃爾刺我之類車輪花也

複瓣端正花

複瓣端正之諸花有四樣曰瞿麥曰十字曰薔薇曰葵此亦從花頭之狀而名耳剪夏羅石竹之類瞿麥花也柳葉菜四輪草俗名菜花之類十字花也桃李梨梅之花牡丹芍藥之類薔薇花也草棉芙蓉槿花之類葵花也

聚成花

第六圖
十之

一萼上聚數多之小花以成一花者名曰聚成花如菊花菊花之類其一小花則名子花以別全花也子花各具鬚心二蓋其鬚蓋相接筒卷以圍匝心蓋林氏之第十九綱近世所唱百綱之第五十五綱及五十六綱之植物皆聚成花也

子花有二樣其一端正四五出謂之完筒子花其一狀如馬耳謂之缺筒子花

聚成花有三等一曰完筒聚花聚完筒子花而成牛蒡紅藍菊類之諸花是也二曰缺筒聚花聚缺筒之

第六圖
十之

七

子花而成者也萬苜蓿公英之類是也三曰雜聚花
花心則完筒子花周邊則缺筒子花也洋菊野菊雞
兒腸之類也

塞心重臺

塞心花或以花瓣塞心或以蜜槽塞心如塞心
菜則有三樣其一花瓣塞其心其二無花瓣唯蜜槽
塞花心其三花瓣有五葩其間有三蜜槽而塞心
重臺一名子母花花上復有花者也有三層者是
皆花之變化也

結實

花謝則結實。草木之常也。但成熟有遲速。已格爾。悉究母之類。七月放花。明年三四月。其實始熟。榛冬月生。菜蕘。明年之秋。其果可始食。此熟之最遲者也。植物之花候。即如動物之精盈。慾動之時。方此。時鹿乃戴角。鳥乃粧毛。嘽聲清越。游牝歇。則鹿解角。鳥翫毛。若夫植物。芳歇實熟。即美綠老。性力減矣。故藥草之採收。宜於花時。曾試徵之。夏草使花。莫開則宿根。經冬。否則枯。動物亦或然。蠶蛾生卵。乃斃。令此不交。則能保半載之壽。

實

花後卵巢之老成者。總名曰實也。別之則曰子室。曰種子。子室保養種子。種子須子室而熟。子室別為八種。曰蒴。曰角。曰莢。曰蓇葖。曰核果。曰膚果。曰跋加。曰檜果。

蒴

蒴子室也。形狀百端。概之外有溝路。內有局室。以包函種子。蒴有四部。一曰溝路。蒴熟則開。拆糝子。二曰縱隔膜。局分各室。三曰蒴心。繫種子。四曰室。如胡麻。或數蒴連生。如白蘇。蒴室之數。可取分種之徵。

角

第四圖

第五圖

角狹長之子室也。內有縱隔膜而分兩室。室內藏種子。縱膜有臍帶以繫種子。種子熟則角從下破綻。種子乃糝落如菘芥蘿菔等十字樣之諸花。結角角短小者名短角兒如薺角。

英

英亦狹長之子室也。似角其形扁平為異。二片硬膜。蛤合內無縱隔膜外有縫隙。內子形肖腎名曰豆有臍帶。駢列乎縫隙。大概花四五瓣作蛾形者。謝後結英。觀豆類鱗甲之屬而可知也。豆脇有眼名臍。蓋臍帶之痕也。

蓇葖

蓇葖一片之皮成子室。子熟則一隅自綻。糝種子。內無局室。無縱膜。內子有纖臍帶懸於皮之裏面。如鳳仙花實。

核果

梅棗胡桃之類。核果也。有皮有肉。瓤有脈絡。有核。次第如此。如桃則皮肉與脈一體不可判。但核面有脈行之痕為皺紋。

膚果

膚果。橙橘梨柰瓜蒞瓢壺之類也。有皮有肉。瓤有脈絡。沙瓢之四部。種子枝即位於沙瓢今以西瓜譬之。其最外

深綠之處皮也皮下白肉肉瓢也瓢之下有脉絡最
內猩紅多漿人好啖之之處沙瓢也其他可類推
膚果之頂有攢花之痕名鼻名臍臍之對下曰蒂百
果皆然唯膚果為最著

跋加

多漿之軟實總名跋加如葡萄杜松實老利兒實棗
莓之類有皮肉瓢藏種子核或名

檜果

檜果大抵上尖下豐形如浮屠通身甲錯如魚鱗裸
子熟於鱗間如冰塔樅毬等也

第九圖

第十圖

種子

種子植物之卵也喬灌苔栴皆一種子之所孵化昔
人謂細蟲如蛆蠹蘚黴如麴塵皆從霉腐生矣非也
蛆蠹亦有卵麴塵亦有子

鳥卵之質一曰硬殼二曰蛋內嫩皮三曰白包膜四
曰稀清五曰稠清六曰黃包膜七曰黃八曰神氣九
曰氣室蛋內嫩皮與白包膜之間含今比之於種子
之質則種子膜者硬殼也叔里翁後出者蛋內嫩皮也
亞牟尼翁後出者黃包膜也仁者黃也蕙者神氣也但
種子莫可比於清者蓋清者雜之餌食也種子落地

水土即養之別莫所須餌食斯其所以異也動物如
鮫魛鳥賊亦卵無清鮓化則經餌食於水也
屬於種子之物有七曰仁薏曰細根曰種子甲或種子葉
曰臍曰種子膜曰冠毛曰子翅

仁薏

核即種子中有仁仁中有薏薏具根葉之儀式生氣靜
藏其內得時而感發種子舊敗不發生者薏之生氣
贖也薏神之生活久暫不齊菘類三四年苜蓿五六
年豆瓜可十年此其大略也老圃擇新種繇于此
仁被二膜外曰叔里翁內曰亞牟尼翁叔里翁者稍

第十圖 二之

第十圖 二之

厚且硬有各色在秕穀者如小囊種子甲拆時自見
此二膜緊切不易離也取豆水浸良久則可見
亞牟尼翁白色至薄之膜也包種子甲即仁與細根
稻糠麥麩是也此膜類於動物之水衣包胎兒膜

細根

細根尖如鳥嘴始則受養于子床至于種子成熟子
牀枯牽縮自隱于種子內種子下地則種子膜先破種子
甲怒脹而後細根下於地中竟為本根抽莖捧甲發
生之途綑于此

種子甲種子葉

第十圖 二之

第十圖之二

種子在地外殼即種子膜也或曰種子甲或曰種子葉約隨形異名也梅杏豆類字拆而如瓜甲者曰甲萬苜瓜菘之屬綠色為葉質者為葉而已甲有隻雙二等球根之植物穀類只為隻甲如豆菘等必有雙甲

臍 種子膜

臍之說見莢條種子膜種子最外之膜也或名皮或名斗或名殼滑糙不齊又有各色豆有赤黃綠黑之品即種子膜之色也

冠毛 子翅

第十圖之二

種子之頭或有毛絮如冠謂之冠毛其質如膜而有齒者謂之冠膜種子戴冠者名冠子聚成諸花之子是也如山蘿蔔子萬苜子皆戴冠膜子翅在于種子之周邊而如箭羽如白芷菴活之種子論天理之高妙者或云冠毛子翅之用欲使種子乘風而飛散也造物亦多巧哉

被子 裸子

被子者種子之在於子室或瓢中者也其數少者止一二粒多者至無極烟草之子一蒴凡四萬粒罌粟之子一蒴凡三萬二千粒云

裸子者露在于萼或子牀上也如禾本諸穀。棟棠。苔
蘇之種子如穀類則或其內穎出穎之一片包種子
而如衣謂之穀皮即稃也青稗黃稗稃亦莫有故言裸者非無
衣之謂無室之謂也

裸子約有三類一曰尋常裸子二曰穀如橡櫟三曰
蘇子

植蟲 附波禮比圖解

林娜斯創言植蟲其說曰植蟲植而蟲者是故有
知覺有運動有根莖有枝荅蓋植物之有動覺者為
植蟲植蟲之無動覺者為植物植蟲之類千萬多樣

第十圖 一之

不可勝紀其一種名波禮比者生水中托體於他物
海蘇珊瑚石帆之屬亦多種類大抵細微如垢如苔
或蛤螺蟹蝦之殼肉眼不可得見今舉其一二而示崖略嘗以顯微鏡
觀海蘇名格刺爾里那丟爸刺里亞者其枝生五種
之波禮比如第一圖甲其第一種名印加爾奈太波
禮比乙其第二種而稍小者丙其第三種丁其第四
種戊其第五種無四種共其幹簇生細窠如癸第四種
者之所潛居也第二圖用顯微鏡之極精者以觀第
五種之圖
所謂印加爾奈太者其色美紅一身多手其手上下

層重宛如重臺菊花其上手者短小其數十二至十
六無定數如第三圖之丑其端皆口也其下手者長
大其數十六至二十如子共其質糙澁類鮟皮寅為
身辰為足以寄於海蘚之幹枝方其需食伸身張口
開展上手如第三圖之丑已得食則身縮手歛如第
四圖至其甚則縮如球潛於下手之心季秋之候手
間發如荅如胞者其數八至十此荅褪落乃為嫩苗
久而竟化波禮比猶植之子動之卵如第五圖之未
未未按動植皆機性體也唯動物得其靈而有知覺
是以能動能行植物反是然動有靈蠢植亦有靈蠢

故植之極靈者可以接動之終動之極蠢者可以列
植之初也故古人云天之生物一氣呵成誠矣哉

受業 河越 小澤 謙 三卿校本
植學啓原卷之二終

植學啓原



